

San Pedro charo chũ'o tocha saosi'ea'me

Diore cuasanare si'achejña kũko saocojñosinani Pedro chũ'o saosi'ea'me

¹ Chũ'ũ, Pedro, Repaũ chũ'ore chũ'vaa'kũ chini Jesucristo saosi'kũpi mũsanũkonare Repaũ'te cuasanare ija'ova utija'ova tocha saomũ. Chekũnapi kũko saorena te'enachi'a tĩipãi pa'ichejña sani pa'inare, Ponto cheja, Galacia cheja, Capadocia cheja, Asia chejana'me Bitinia cheja pa'inare tocha saomũ chũ'ũ mũsanũkonare. ² Apeřamũna mũsanũkonare mai Ja'kũ Dios "Inani paara", chiisi'kũjekũ chẽa paamũ. Mũsanũkonare Ũcuau Rekochoji cho'okaisi'kũa'mũ Repaũ, Jesucristoji mũsanũkona cu'are kurususẽ'verona jũni ro'ikakũna rekoñoã meno peorekoñoã tũ'nesõsirekoñoã paajũ Ũcuau neenajejũ Repaũ chũ'ũñe'te asa jachama'ñe cho'ojũ paapũ chini. Repaũji re'oja'che pa'iche karama'ñe cho'okaiũna re'oja'che pa'ijũ'ũ.

Maire re'oja'che ïsijachere cuasajũ pojoche'te kũamũ

³ Diore Maire Paakũ Jesucristo Pũka'kũre pojojũ paũu mai, "Peore masakũ'mũ mũ'ũ", chiijũ. Maire rũa oiũ mai rekoñoã mamarekoñoã care'vakaisi'kũa'mũ Repaũ, Jesucristo jũnisõ tãcojñosi'kũ vajũraisi'ejekũna. Jã'ajekũna Repaũ pa'icheja sani Ũcuau'na'me si'arũmũ

pa'ijachere cuasajũ rũa pojojũ cha'ame mai. ⁴ Repaũ maire, “Mũsanũkonare chũ'ũ pa'ichejana sa rũa re'oja'chere ĩsija'mũ chũ'ũ”, chiisi'ere phũ'kama'ñere porema'ñere ña'ñasõma'ñere cha'ame mai. ⁵ Repaũ Dios peore Masiũjekũ maire Jesucristoni masi cuasajũna masi paakũ cho'okaimũ, na'a pa'isirũmũ Repaũ pa'ichejana saũna maipi Repaũ ĩsijachere re'oja'chere koo paaajũ chini. Cheja si'arũmũna Dios maire aperũmũ Repaũ kũa jũaumanesi'ere re'oja'che peore ĩsija'mũ.

⁶ Jã'aja'ñejekũna mai icheja cheja pa'irũmũ pa'ivesache chũova'na cu'ache ti'jñecojñojũ pa'inata'ni Dios maire ĩsijachere re'oja'chere cuasajũ rũa pojojũ pa'ime. ⁷ Pãĩ pachokuricata cho'ona repapũã mini ña, repare masiũu chini toana uo ko'si ñame. Jã'ata'ni repa pachokuri si'asõjañea'me. Pãĩ pachokuri paaneeñeja'ñe Repaũ'te masi cuasanare rũa chiimũ Dios. Jã'ajekũna maire Repaũ'te cuasanare pãĩ pachokuri pa'iche'te masiũu chini cho'ocheja'che cho'okũ, maire pa'icu'ache ti'jñeto te'eñoã ũsekaima'mũ Repaũ, mai Repaũ'te masirepa cuasache'te masira chini. Diore masi cuasani pa'icu'ache ti'jñetøjẽ'e ũcua cuasajũ pa'ijanaa'me mai. Maipi jã'aja'ñe pa'ito Dios aperũmũ Repaũ Raosi'kũ Jesucristo icheja cheja jo'e raiũmucusena maire Repaũ'te masi cuasanare pojokũ, “Re'onaa'me ina”, chiiũ rũa re'oja'chere ĩsija'mũ.

⁸⁻⁹ Mũsanũkona Jesucristo'te jmamakarũjẽ'e ñamanata'ni Repaũ'te rũa chiiũ cuasarepame, “Dios maire Jesuni cuasajũna Repaũ pa'ichejana

sara chini chëa paamũ”, chiijũ. Jã'aja'ñe cuasanajeyũ mũsanũkona Repaũ'te ñamanata'ni cuasajũ rũa pojojũ pa'ime. Repa pojochẽ Dios cho'okaichejekũ rũarepajekũ kuavesamũ.

¹⁰ Dios chũ'o aperũmũ kuasina Repaũ maire, “Toana saimanea'jũ chini chëa paaja'mũ”, chiisi'e Ũcuauji kuaũna asaasome. Jã'ata'ni repare asavesujũ asa masiũu chini rũa cuasajũ che'chejũ paniasome repana. Repaũ maire irũmũ pa'inare oiũ re'oja'che cho'ojache kuaũna asa ũcuare kuajũ tocha jo'kaasome repana.

¹¹ Dios Rekocho Repaũ chũ'o kuasinare na'a pa'isirũmũ cho'ocojñojañere ija'che kuaasomũ aperũmũ:

Pãire cu'ache cho'ocojñoja'mũ Cristo, chinasomũ. Ũcuachi'a jũni vajũrani cunaũmũna mũni Repaũ chũ'ũkũ pa'ijache kuaasomũ. Kuaũna asasinata'ni asavesuasome repana. Vesujũ, “Dios Rekocho kuasi'e, ¿je'se pa'ija'ũ? ¿Jeerũmũ ti'jñeja'ũ repa?”, chiijũ masiũu chini rũa cuasajũ che'chejũ paniasome repana.

¹² Jã'ata'ni Dios repanare Repaũ cho'oja'mũ chiisi'e ija'che i'kakũ masi kua jñauasomũ: “Chũ'ũ re'oja'che cho'okaija'mũ chiisi'e mũsanũkonare cho'okaijachema'mũ; na'a cho'je pa'ijanare cho'okaijachere kuasi'ea'me jã'a”, chiijũ kuaasomũ Dios repanare. Irũmũ chũkũna mũsanũkonare Ũcuau Rekochoji cunaũmũ Raosirekochoji cho'okaiũna Repaũ aperũmũ kuasi'ere Repaũ'te cuasanare chëa paakũ toa sani uuche ũsekaiche'te kuasinaa'me. Diore

ja'me pa'ina ángelejatũ'ka asavesũju asamasiñũ
chiime repa.

*Pãipi cu'ache cho'oma'ñe re'oja'che paapu
chini chẽa paamu Dios*

¹³ Jã'ajekũna musanũkona cho'ojachere
rũhiñe cuasaju care'vaju pa'ijũ'ũ, Dios
chiiche'te cho'oñũ chini. Cu'are jũvoju
re'oja'che pa'iju, Jesucristo jo'e raisirũmu
musanũkonare re'oja'che cho'okaijachere
rũa cuasaju pojoju cha'aju pa'ijũ'ũ. ¹⁴ Dios
chĩijeju repau chũ'ũñe jachama'ñe cho'ojũ
pa'ijũ'ũ. Repau'te cuasamarũmu pa'ivesũju
musanũkonare uachechi'a cu'ache cho'ojũ
pa'isi'e jo'e cho'oma'ñe pa'ijũ'ũ chura. ¹⁵ Cu'ache
jmamakarũjẽ'e cho'oma'ñe si'arũmu re'oja'che
pa'ijũ'ũ, musanũkonare chẽa Paaku Dios
re'oja'che pa'icheja'che. ¹⁶ Repau chu'o aperũmu
tocha jo'kasi'e ija'che kũamu:

Chu'ũ cu'ache cho'oma'ñejekũna musanũkona
ũcuaja'che cu'achejẽ'e cho'oma'ñe
re'oja'che pa'ijũ'ũ,
chiimu.

¹⁷ Musanũkonapi Diore, "Ja'ku", chiiju pani
pãi ũcuanũko cho'oche peore ũcuapa'rũvachi'a
ñaku te'enare na'a rũa oima'kũre musanũkona
icheja cheja vajũna pa'irũmu si'arũmu Repau'te
cuasaju kũkũju pa'ijũ'ũ. ¹⁸ Aperũmu mai aipã
pa'ivesũsi'eja'che re'oja'che pa'ivesũsinareta'ni
maipi jã'aja'ñe pa'imanea'ju chini chẽa paamu
Dios maire, cu'are ũsekasa chini. Rũa ro'icheji
ai pa'iche'te ro'ikaisi'kũa'mũ Repau maire cu'are
ũsekasa chini. Musanũkona masime jã'a.

Si'asõñeji kuripi ro'imatesi'kua'mu Repau.
 19 Jã'aja'ñepi ro'ima'ñe Cristo cu'achejẽ'e
 peokũ chiepi ro'ikaisi'kua'mu Repau, Ũcuauji
 chũ'uuna mai cu'are ro'ikani chẽa paara
 chini chuenisõ raosi'epi. Aperumu pa'isina
 mai aipãi repana cu'are tũnoñu chini Dioni
 isijũ ovejachĩiva'ure cu'achejẽ'e peova'uni
 vanisõjũna rao ro'ikaisi'ejache Repau chiepi rao
 mai cu'a ro'ikaisi'kua'mu Repau. 20 Aperumuna
 chuta'a cheja cho'omarumuna Repau'te
 Cristo'te chũ'u jo'kaasomu Dios, icheja chejana
 caje pãi cu'ache cho'oche'te jũni ro'ikaau
 chini. Jã'ata'ni Dios chureparana cheja
 si'apirarumuna casosi'kua'mu Repau'te, maini
 re'oja'che cho'okaau chini. 21 Repau Cristo
 jũni ro'ikaisi'ejekuna Repau'te Diore cuasame
 mai. Cristo'te jũnisõuna vaso cunaumuna mua
 Repau pa'ichejana Repau'te kueñe ñu'ia chũ'uñe
 jo'kasi'kua'mu Repau. Jã'aja'ñejekuna mai
 Repauni masi cuasajũ Ũcuau'na'me ai pa'ijachere
 pojojũ cha'ajũ pa'ime.

22 Chura musanukona Repau chu'o
 ũcuarepa asa cuasanajejũ musanukona
 rekoñoã pa'isi'e meno tũnokaicojñosinaa'me
 Diore. Jã'ajekuna rekoñoã re'ojarekoñoãre
 paajũ mai majapãijanare peoche i'kama'ñe
 oirepache oimasinajejũ peore cho'ore'ochetu'ka
 re'oja'che cho'okaijũ sãiñechi'a si'arumu
 oijũ pa'ijũ'u. 23 Dios maire Repau chu'o
 si'arumu pa'iche jachama'ñe cuasanajejuna mai
 rekoñoãquee cu'a tũnosõkani mamarekoñoã
 sañokaisi'kua'mu Ũcuau'na'me paaru

chini. Repa mama pa'iche icheja cheja
 pa'icheja'chema ñejeku jmamakarujê'e
 si'asōma'ñea'me. ²⁴ Dios chũ'o tocha jo'kasi'e
 ũcuare ija'che kũamũ:

Pãi ũcuanũko u'cha pa'icheja'che pa'ime.

U'chara'ñũruã jeerũmũ pa'ima'ñe na'mi phã'pha
 jũnisōmũ.

Korosi'e ũcuachi'a rũa re'oja'che koro ño na'mi
 tuã'tuasōmũ.

Pãi ũcuaja'che ũcuanũko jeerũmũ pa'ima'ñe
 na'mi jũnisōme.

Repana rũa masisi'e ũcuaja'che si'asōmũ repaña
 jũnisōto.

²⁵ Dios chũ'ota'ni si'asōma'ñe si'arũmũ
 pa'iche'me,

chiimũ repa tocha jo'kasi'e. Repa Dios chũ'o
 re'oja'che mũsanũkonare chũ'vasi'ea'me.

2

¹ Jã'ajekũna mũsanũkona chekũnare
 cuhechena'me joreche, sê'sevũchi'a
 re'oja'cheja'che ñoñe pa'iche, chekũna
 neemajñarũã tũa paaũachena'me chekũnare
 si'ache cu'ache i'kache'te peore ũhasōjũ'ũ.

² Vĩjachiiva'na ojeneeñeja'ñe Dios chũ'o
 re'oja'chere asaneejũ, re'oja'che pa'iche'te na'a
 rũa che'chejũ pa'ijũ'ũ, ³ Dios Re'okũ pa'iche asa
 chẽarepasinajejũ.

*Catarũ re'oja'ipũjekũ charo ũhasi'pũja'che
 pa'ikũ'mũ Cristo*

⁴ Jesucristo'te jovosinajejũ Repañi si'arũmũ
 na'a rũa cuasajũ pa'ijũ'ũ. Chekũna pãi catari
 vũ'ere je'najũ catarũ rũa re'oja'ipũta'ni cuhejũ

sējoñeja'ñe cuheme Repau'te, Dios rua chiïu Chēasi'kure. ⁵ Mai Repau'te cuasana ũcuaja'che catapuã Repau vü'e je'najaruãja'ñea'me. Repau'te cuasakuanupu vü'e rua re'ojavü'epi, chuta'a pi'nimavü'eja'chea'me. Pãipi Repau'ni si'arumu na'a jainuko cuasaju jovoju'na Repau'te cuasakuanupu aineeñeja'ñe na'a ujakuanupu'me. Ũcuachi'a mai majapãi judío phairipãi Diopi pojoa'ku chini jo'cha va'iva'nare ïsiju vanisõsi'eja'che Jesucristo re'oja'che cho'okaisi'ejekuna Ũcuau'ni cuasaju Repau chiiche'te cho'ojuna pojomu Dios maire. ⁶ Jã'ajekuna Dios chu'o aperumu tocha jo'kasi'e ija'che kamu:

¡Ñajũ'ũ!

Vü'e re'ojavü'e cho'opi'raku catapu re'orepaja'ipujekuna mini ra chareparo ũhañeja'ñe

chu'ũ chēa paaku'te Cristo'te Jerusalén vü'ejoopona raomu chu'ũ.

Repau'te cuasanare ũcuarepa cho'okaija'mu chu'ũ repanani cacu'omanera chini, chiimũ. ⁷ Maire Repau'te cuasanare catapu

rua re'oja'ipu rua raauaruja'che pa'imũ Repau. Jã'ata'ni Repau'te cuhenare ija'che kamu Dios chu'o aperumu tocha jo'kasi'e:

Vü'e cho'ona cuheju sējosi'pu Diopi cho'ou'na re'oja'ipujeku charo ũhasi'puja'che pa'imũ,

chiimũ. ⁸ Chekucheja ija'che kamu:

Chu'ũ, Dios, pãipi tota tãapu chini ma'ana catapu ũhañeja'ñe Repau'te raoja'mu,

chiimũ. Jã'ajekũna pãi Repaũ chũ'ore asa jachajũ tota tãĩñeja'ñe cu'ache pa'ime, aperũmũna Diore, "Chũ'ũ Neeekũni cuasacuhejũ cu'ache pa'ijanaa'me ina", chiicojñosina.

⁹ Maita'ni Repaũ chẽa paacojñonajejũ Dios pãijejũ, re'ovãjũ pa'ijũ, phairipãi Diore sẽekaicheja'che pãi ũcuanũkore sẽekaijũ pa'inaa'me. Maire chijachejaja'che cu'ache pa'isinare chẽa paamũ Repaũ, maipi miañeja'ñe re'oja'che pa'ijũ Repaũ Masiũ pa'iche'te chekũnani kũajũ paapũ chini. ¹⁰ Aperũmũ mai Dios neena pa'imatesinaa'me. Chura Repaũ neenaa'me mai. Ũcuachi'a aperũmũ Repaũ oicojñomana pa'isinaa'me. Chura Repaũ oicojñonaa'me mai.

Dios neena pa'iche pa'ijũ Repaũ'te cho'okaina pa'iche'te kũamũ

¹¹ Asarepajũ'ũ, chũ'ũ majapãijana. Mai icheja cheja jmamakarũ pani Dios pa'icheja ai sani pa'ijanajejũ icheja canama'me. Jã'ajekũna mũsanũkonare cu'ache cho'ouato jũvojũ'ũ, cacu'ama'ñe re'oja'che pañũ chini. ¹² Diore cuasamana ñajũ'te re'oja'che pa'ijũ'ũ, repanapi irũmũ mũsanũkonare cu'ache i'kanata'ni Dios pãi ũcuanũko cho'osi'e ro'iche rani chũ'ũmucuse mũsanũkona re'oja'che pa'ijũna ñanajejũ Repaũni, "Rũa re'okũ'mũ mũ'ũ", chiapũ.

¹³ Dios chiiche'te cho'ojũ pãi chũ'ũna chũ'ũñe jachama'ñe masi cho'ojũ pa'ijũ'ũ. Mũsanũkona pa'icheja si'achejña pa'inare ũcuanũkore chũ'ũkũ chũ'ũñe cho'ojũ pa'ijũ'ũ.

14 Ūcuachi'a repau'te ja'me chũ'ukaiju te'enare chũ'una chũ'uñe jachama'ñe cho'oju pa'ijũ'u. Cu'ache cho'onare ro'iche chũ'uju re'oja'che pa'inare pojoju pa'inaa'me repa. 15 Dios musanukonare re'oja'che pa'ijũ'u chiimɔ, pãipi Dios pa'iche vesunapi musanukonani ñaju cu'ache cutumanea'ju chini.

16 Pãi chekunare chẽa paacojñomana pa'iche pa'iju musanukonare cho'ouache'te re'oja'chere cho'oju pa'ijũ'u. Jã'ata'ni, "Chẽa paacojñomanajeju na ũcuauache cho'ore'omɔ chukuna'te", chiima'ñe cu'ache cho'ouache'te juvoju re'oja'checi'a cho'oju Dios chẽa paacojñona pa'iche pa'ijũ'u. 17 Pãi ũcuanukore ña kukuju re'oja'che pa'ijũ'u. Chekunare Jesure cuasanare oiju pa'ijũ'u. Diore cuasaju, kukuju pa'ijũ'u. Musanukona pa'icheja si'achejña canare chũ'uku'te re'oja'che cutuju'u.

Cristo cho'ocojñosi'ejache cu'ache cho'ocojñoju re'oja'che pa'iche'te kɔamɔ

18 Asarepajũ'u, chekunare chẽa paacojñona. Musanukonare paanare ña kukuju repa chũ'uñe jachama'ñe masi cho'oju pa'ijũ'u. Re'oja'che paanarechi'a masi cho'okaima'ñe cu'ache paanarejẽ'e masi cho'okaiju pa'ijũ'u. 19 Pãiu Diore cuasakujɔ cu'ache cho'oma'kupi cu'ache cho'ocojñosi'kuta'ni pe'rukɔ ke'rema'ñe pani ruu re'oja'che cho'omɔ. 20 Musanukonapi cu'ache cho'osi'e ro'ire pe'ruma'ñe cu'ache cho'ocojño'ni, ¿ũquea'che musanukona re'oja'che cho'oche? Jã'ata'ni cu'ache cho'omanapi cu'ache cho'ocojñosinata'ni musanukonapi

ke'remaneni rua re'oja'che cho'ome, Diopi ñato. ²¹ Jã'aja'ñe cho'ojũ paapũ chini chëa paamũ Dios mʉsanʉkonare. Cristo cu'ache cho'omanesi'kũta'ni cu'ache cho'ocojñokũ ke'remanesi'kũa'mũ. Maini cho'okaiũ jã'aja'ñe cho'osi'kũa'mũ Repaũ. Mʉsanʉkona Repaũ cho'osi'ere cuasajũ ũcuaja'che cho'ojũ pa'ijũ'u, mʉsanʉkonare cu'ache cho'oto.

²² Repaũ Cristo jmamakarũjẽ'e cu'ache cho'omanesi'kũa'mũ.

Ũcuachi'a te'eũ'terejẽ'e joremanesi'kũa'mũ Repaũ.

²³ Pãi Repaũ'te cu'ache i'kato sãĩñe cu'ache i'kamanesi'kũa'mũ Repaũ. Repaũ'te asi cho'onare, "Sãĩñe cu'ache cho'oja'mũ chũ'u mʉsanʉkonare", chiimanesi'kũa'mũ Repaũ. Diopi pãi ũcuano'ko cho'оче ro'iche ũcuarepa Chũ'ukũji repana cu'ache cho'osi'e ro'i cu'ache ti'jñe chũ'ua'kũ chini jũvosi'kũa'mũ Repaũ Cristo. ²⁴ Ũcuauji mai cu'a kurususẽ'verona jẽ'jocojño jũni ro'ikaisi'kũa'mũ, maipi cu'ache cho'оче'te ũhasõ re'oja'chere cho'ojũ paapũ chini. Repaũ Cristo mai rekoñoã vajua'jũ chini chuenisõ ro'ikaisi'kũa'mũ maire. ²⁵ Aperũmũ mai ovejava'na ma'are vesũjũ cavesũsõsinaja'ñe pa'isinaa'me. Jã'ata'ni chura Cristoni oveja kuirakũja'che pa'ikũni jo'e co'icheja'che cuasajũ jovorena kuirakũ cu'ache ũsekaimũ Repaũ maire.

3

Rũjona'te ũjũ re'oja'che pa'iche'te kũamũ

1-2 Rũjoromi, mũũjũpãi chũ'ũñe jachama'ñe masi cho'ojũ pa'ijũ'ũ, repanapi Dios chũ'o cuasamana pani mũsanũkonapi repanani ña kũkũjũ cu'ache cho'oma'ñe re'oja'che pa'ijũna ña chũ'vachiima'ñe Jesuni cuasaa'jũ chini.

3-4 Ija'chea'me re'oja'che pa'iche: Sẽ'sevũchi'a re'oja'che ñomajñaruã raña vãto pa'iche, pachokuri cho'osimajñaruã ju'ichena'me kãña re'ojakãña ju'iche ruarepa cuasajũ pa'ima'ñe rekoñoã re'oja'che pa'iche'te na'a ruã cuasajũ pa'ijũ'ũ. Rekoñoã re'oja'che pa'iche, pe'kerũ pa'ichena'me re'oja'che i'kajũ pa'iche ca'nivũ airekocheja'che airekoma'ñea'me. Ũcuachi'a Diopi ñato ruã re'oja'imũ jã'aja'ñe pa'iche.

5 Aperũmũ pa'isina romi Dioni cuasajũ jã'aja'ñe pa'ijũ repana rekoñoãpi re'ona paniasome; ũjũpãi chũ'ũñe jachama'ñe masi cho'ojũ paniasome repana. 6 Jã'aja'ñe paniasomo Sara. Repao ũjũ Abraham chũ'ũñe asa jachama'ñe cho'oko repau'te, "Chũ'ũre paaku'mũ ikũ", chiio paniasomo. Mũsanũkonapi vajũchũma'ñe re'oja'chere ũcuaja'che cho'ojũ pani repao chũijana pa'ijanaa'me.

7 Mũsanũkona ũjũpãi ũcuaja'che mũrũjoromi cuasajũ re'oja'che paajũ'ũ. Na'a koka peon-ajejũna masi kuirajũ paajũ'ũ repanare, Dios ñsiche re'oja'che pa'iche ja'me koonajejũna. Jã'aja'ñe pa'ijũ Dioni sũeto mũsanũkona sũeñe asaja'mũ Repau.

Re'oja'chere cho'ojũ cu'ache cho'ocojñõñe'me

8 Mũsanũkona ũcuanũko sãĩñechi'a cuasajũ majapãija'ñe pa'ijũ cavama'ñe re'oja'che

ja'me pa'ijǎ'ũ. “Jǎ'anare na'a rua masimũ chu'ũ”, chiima'ñe sǎiñechi'a oijũ re'oja'che cho'okaijũ pojojũ pa'ijǎ'ũ. ⁹ Pǎi mʉsanʉkonare cu'ache cho'onare sǎiñe cu'ache cho'omanejǎ'ũ. Mʉsanʉkonare cu'ache i'kanare sǎiñe cu'ache i'kama'ñe Dioni re'oja'chere sēekaijǎ'ũ repanare. Jǎ'aja'ñe re'oja'che cho'ojũ paapũ chini chēa paamũ Dios mʉsanʉkonare. Jǎ'aja'ñe cho'oto re'oja'che cho'okaija'mʉ Repaũ mʉsanʉkonare. ¹⁰ Repaũ chu'o aperũmũ tocha jo'kasi'e ija'che kʉamũ jǎ'a:

Pǎiũ re'oja'che pa'iu pojokũ pasa chiikũ cu'ache i'kachena'me jorechu'o cutuche jũvoa'kũ.

¹¹ Cu'ache cho'ochete ũhasõ re'oja'chere cho'okũ paapũ.

Re'oja'che pa'iche'te ku'e jñaa re'oja'che paapũ.

¹² Dios re'oja'che pa'inare pǎi kuirakũ repaũ Repaũ'te sēeñe asakũ pa'imũ.

Cu'ache cho'onare'ta'ni repaũ chiiche ũsemũ Repaũ,

chiimũ.

¹³ Mʉsanʉkonapi si'arũmũ re'oja'chere cho'ojũ pa'ito pǎi te'eujē'e cacũ'omanejanaa'me mʉsanʉkonare. ¹⁴ Jǎ'ata'ni mʉsanʉkonapi re'oja'che cho'ojũ cu'ache cho'ocojñoni pojojũ pa'ijǎ'ũ, Dios re'oja'che cho'okaijachere cuasajũ.

Pǎi te'eũ'terejē'e vajũchũma'ñe pa'ijũ kũkũmanejǎ'ũ. ¹⁵ Pǎijē'e vajũchũma'ñe Cristoni cuasajũ vajũchũjũ, “Chu'ure paakũ'mʉ Repaũ”, chiijũ cuasajũ'ũ.

Si'arũmũ masi cuasajũ pa'ijǎ'ũ, pǎipi mʉsanʉkonani mai pojojũ cha'ache'te sēeto kũmasiñũ chini. ¹⁶ Jǎ'ata'ni repanare ña, vajũchũjũ pe'kerũ kũajǎ'ũ, “Rua

masi'u'mu chu'u", chiima'ñe cuasaju. Cu'ache cho'oma'ñe re'oja'che pa'ijũ'u, Jesure cuasanajeju mʉsanukona re'oja'che pa'iche'te pāipi cu'ache cutuni kʉkʉsɔ'a'ju chini.

17 Chekʉrʉmu Dios maire te'eñoã cu'ache cho'ocojñoa'ju chiimu. Jã'ata'ni maipi cu'ache cho'osi'e ro'ire cu'ache cho'ocojñoto cu'amʉ. Maipi cu'ache cho'oma'ñe re'oja'chere cho'oju cu'ache cho'ocojñoto na'a re'omu. 18 Maire Paaku Cristo mai ũcuanuko cu'ache cho'ochete ro'ikaiu chuenisõsi'ku'a'mʉ. Ũcuate'echoji peore ũcuanukore ro'ikaisi'ku'a'mʉ. Re'okʉjeku cu'ache pa'inani cho'okaisi'ku'a'mʉ Repaʉ, maipi Diona'me re'oja'che paaru chini. Maija'iu pa'iu chuenisõsi'kʉta'ni Dios Rekochoji cho'okaiʉna jo'e vajʉraisi'ku'a'mʉ. 19-20 Repaʉ Cristo jũnisõ rekochoji apereparʉmu Noé pa'irʉmu ko'saʉna jũnisõsina pa'icheja pa'inare chu'vajanasomʉ. Aperʉmu repaʉna chuta'a vajʉrʉmu Noé choovu ʉjavu cho'o pi'niñetu'ka repaʉna pe'ruma'ñe cha'akuni Diore jachaju paniasome. Repavu cho'o pi'nisirʉmu okopi ra cheja si'acacheja ko'sa timuʉna pāi ũcuanuko runisõsirʉmu ochorepanachi'a jũ'iñe ʉsecojñoasome. 21 Okochi'a pa'icheja repaʉna jũ'ima'ñe pani etajani re'oja'che pa'isi'eja'che mai irʉmu cu'ache pa'iche'te jo'kasõ Jesuni cuasaju jovo okoro'vecojño re'oja'che pa'ime chura. Okoro'veche ruʉ ca'nivu pa'iche meno choachema'mʉ. Pāi re'oja'che pa'iju repaʉna Dios chiiche cho'oneeñe okoro'vecojñoñeji cho'o ñome. Jesucristo chuenisõ tãcojño vajʉraisi'ejekʉna jã'aja'ñe

cho'ona Dios pa'ichejare ai sani pa'ijanaa'me. ²² Jesucristo Repaꝝ vajaraisirumꝝ cnaamꝝna mꝝni Dios ꝱajjũtu cakã'kona kueñe pꝝũ ñu'ia chũ'ukꝝ ãsekꝝ pa'imꝝ. Aijekꝝ ángeles chũ'unare chũ'umꝝ. Ũcuachi'a pãi ũcuaukore chũ'unana'me vati chũ'unare ãsekuna repanare uache cu'ache cho'oju Repaꝝ ãsemamajnarũachi'a cho'ome.

4

Dios ïsicheji masijũ chekunare cho'okaiche'te kꝝamꝝ

¹ Jã'ajekuna Repaꝝ Cristo cheja pa'irumꝝ cu'ache cho'ocojñosi'ejache cho'ocojñoju cuasaju pa'ijũ'ũ. Maipi pãire cu'ache cho'ocojñoju Repaꝝni ũcua cuasani cu'a jꝝvoche che'chesõme. ² Cu'are jꝝvomasini maire ũcuauache cho'oũache cu'a cho'oma'ñe pa'ijũ mai jũnisõñejatũ'ka Dios chiiche'te cho'oju pa'ijanaa'me. ³ Apeꝝumꝝ mꝝsanukona Diore cuasamana cho'oche rꝝa jeerumꝝ cho'oju pa'isinaa'me. Ũcuauache cho'oju romineejũ, umꝝneeju, cono ũkunachi'a pa'ijũ, vẽ've pa'ijũ rꝝa si'ache cho'oju, tũosiva'nare pojoju pa'isinaa'me. ⁴ Chura mꝝsanukonapi apeꝝumꝝ ũcuauache cho'oju pa'isi'ere cu'are ũhasõ repanani ja'me cho'oma'ñe pa'ijuna ña jña'nejũ si'arumꝝ rꝝa cu'ache cutujũ pa'ime mꝝsanukonare. ⁵ Jã'ata'ni repaꝝna cu'ache pa'isi'e Diore ti'jñeñe nukaju kũache pa'ija'mũ repanare, pãi jũ'isina cho'osi'ena'me vajana cho'oche ro'iche chũ'ukũ'te ti'jñeñe

nukajũ. ⁶ Jã'aja'ñejekũna Jesucristo'te cuasache kuachũ'o, jũ'isinajatũ'ka chũ'vacojñosi'ea'me, repana vajũna pa'irũmũ ũcuanũko cu'ache cho'osi'e ro'i cu'ache ti'jñecojño jũnisõsinata'ni, rekoñoãpi ũcua vajũjũ Dios pa'icheja'che ai paarũ chini.

⁷ Icheja cheja si'asõrũmũ tĩ'api'ramũ. Jã'ajekũna rũhiñe cuasajũ cu'ache cho'oũache jũvoju re'oja'che pa'ijũ Diore sēemasina pa'ijũ'ũ. ⁸ Ie ũcuachi'a asarepajũ'ũ: Sãĩñechi'a oirepache oiju pa'ijũ'ũ. Mũsanũkonapi sãĩñechi'a oirepani chekũrũmũ rũarepañoã cu'ache cho'onijẽ'e ũcua re'oja'che ja'me pa'ijanaa'me. ⁹ Sãĩñechi'a pojojũ te'eũ'terejẽ'e cuhema'ñe mũsanũkona vũ'ña tĩ'anare kãĩñe ĩsijũ pa'ijũ'ũ. ¹⁰ Mũsanũkonapi cho'oa'jũ chini Dios ũcuanũkore si'acairo ĩsisi'e Repaũ Rekochoji cho'okaiũna cho'omasiche cho'okaiñamema'ñe chekũnare re'oja'che masi cho'okaijũ pa'ijũ'ũ. ¹¹ Chekũnare chũ'vani Dios chũ'ore chũ'vaa'jũ. Chekũnare re'oja'che cho'okaina Diopi cho'okaiũna koka paaju rũa re'oja'che cho'okaijũ paarũ, Jesucristo'te cuasanapi si'arũmũ Repaũni, "Rũa re'okũ'mũ mũ'ũ", chiijũ paarũ chini. Ũcuachi'a Repaũ'te cuhama'ñe si'arũmũ pojojũ, "Peore Paakũji peore Masiũ'mũ mũ'ũ", chiijũ paũ mai. Jã'aja'ñe paanũ.

Jesuni cuasajũ cu'ache cho'ocojñoñe'te kũamũ

¹² Asarepajũ'ũ, chũ'ũ cuasava'na. Pãipi mũsanũkonani cu'ache cho'oto ña jñanomanejũ'ũ. Jã'aja'ñe pa'imũ maire

Jesure cuasanare, maipi mai rekoñoã Repau'te cuasache'te cho'o ñoa'jũ chini. ¹³ Cristo cho'ocojñosi'eja'che cu'ache cho'ocojñoni Repau pa'isi'eja'che pa'inajejũ pojojũ pa'ijũ'ũ. Ûcuachi'a Repau jo'e rani pãi ùcuaukore chũ'urũmũ mai ùcuaja'che pojojũ ja'me pa'ijachere cuasajũ pojojũ'ũ. ¹⁴ Cristoni cuasajũna pãipi mũsanũkonani cu'ache i'kato pojojũ'ũ, Dios Rekocho Masirekochoji mũsanũkonani jo'kasõma'ñe ja'me pa'ũna.

¹⁵ Mũsanũkonapi ùcuauakũji cu'ache cho'ocojñoni pãi vanisõsi'kũpi, põse ñaasi'kũpi, jã'apãani cheke cu'ache ùcuauache cho'okũ, chekũna cho'oche'te ñakũ ja'me cutukũ ke'resi'kũpi cu'ache cho'ocojñokũ pa'imanejũ'ũ.

¹⁶ Jã'ata'ni mũsanũkonapi Jesure cuasanajejũ cu'ache cho'ocojñoni kũkũma'ñe Repau neenajejũ Dioni, "Re'orepamũ, Ja'kũ", chiiju pa'ijũ'ũ.

¹⁷ Pãi ùcuauako cho'osi'e ro'iche Dios chũ'urũmũ t'ãpi'racuhamũ. Charo Repau neena cho'osi'ere cuasa ñaja'mũ Repau. Jã'a cho'o pi'ni Repau chũ'o jachasina cho'osi'e cuasa ña repa cu'ache cho'osi'e ro'i rũa vajũchũache peore ro'iche chũ'ũja'mũ Repau. ¹⁸ Dios chũ'o tocha jo'kasi'e ija'che kũamũ repa:

Re'oja'che pa'inarejẽ'e Dios pa'icheja saiche vesatõ,

¿je'se pa'ija'ũ Repau'ni cuasacuhejũ cu'ache cho'onare?

chiiũ. ¹⁹ Jã'ajekũna mũsanũkonapi Repauji chiiũna cu'ache cho'ocojñonijẽ'e cuhasõma'ñe ùcua re'oja'che cho'ojũ pa'ijũ'ũ,

“Maire Cho'osi'ku Dios ũcuarepa cho'okujj cho'okaija'ma maire”, chini cuasaja.

5

Jesure cuasanare chu'vache'me

¹ Chura musanukonare kuiranani, ainani, chu'vara chiimũ chu'u, repana pa'icheja'che aijekũ pãĩ kuirakujekũ. Jesucristo cu'ache cho'ocojñoñe peore ñasi'kua'ma chu'u. Repaũ pãĩ ũcuanukore chũ'urumũ chu'u ũcuachi'a ja'me chũ'ukũ pa'ija'ma. ² Aina, musanukonapi kuiraa'ju chini jo'kasinare Diore cuasanare ovejava'naja'ñe pa'inare kuiraja pa'ijũ'u. Kurineema'ñe, re'oja'che cho'okaineeju, kuiracuhema'ñe Dioni pojoju Repaũ chiiche'te cho'oju masi kuiraja pa'ijũ'u repanare. ³ Musanukona chẽa paacojñonare cho'ocheja'che cho'oma'ñe re'oja'che cho'o ñoju pe'kerũ che'chojũ'u repanare, ña chẽa ũcuaja'che paapũ chini. ⁴ Jã'aja'ñe cho'oju pani maire ovejava'nareja'che Paakujj jo'e ratu pãĩ chũ'una tuhivũja'ñere rua re'oja'chere ñiãana koo ũcuana'me si'arumũ chũ'ujju pa'ijanaa'me mai.

⁵ Musanukona na'a pōsupãĩ ũcuaja'che, umupãina'me romi, asarepajũ'u. Aina chũ'uñe jachama'ñe cho'oju pa'ijũ'u. ũcuanuko, “Na'a rua masi'ma chu'u”, chiima'ñe, chekuna chũ'uñe sãĩñechi'a cho'okaiju pa'ijũ'u. Dios chu'o tocha jo'kasi'e ija'che kũamũ: “Rua masi'ma chu'u”, chiina cho'oche ñsemũ Dios.

“Vesuva'ua'mu chu'u”, chiinareta'ni oia re'oja'che cho'okaimu Repau, chiimu. ⁶ Jã'ajekuna, Dioni Peore Masiuni, “Peore Masiujeku chu'ure rua vesuva'ujekuna cho'okaijũ'u”, chiiju pa'ijũ'u, Repauji musanukonani Repau'te uarumuna na'a masinare cho'oa'ku chini. ⁷ Maire rua oikujekuna musanukonare pa'ivesache Ūcuauñi kuajũ'u cho'okaau.

⁸ Ñarepaju pa'iju cu'ache cho'оче javoju re'oja'che pa'imasijũ'u; vati maire cuheku chai kũni ãnisõnani ku'ekũ ku'icheja'che cacu'onani ku'ekũ si'arumu ku'iu pa'imũ. ⁹ Ūhasõma'ñe ūcua Dioni masi cuasaju vati chũ'ũñe javoju pa'ijũ'u, mai majarãijana cheja si'achejña cana ūcuaja'che cu'ache cho'ocojñoju pa'iche'te masiju.

¹⁰ Jã'ata'ni musanukona jmamakarũ cu'ache cho'ocojñosirumuna Pãi Oi Ai Dios musanukonapi koka paaju Repauñi na'a masi cuasaju si'arumu na'a re'oja'che paaru chini cho'okaija'mũ. Ūcuauji maire Cristoni cuasaju Ūcuauña'me si'arumu re'oja'che paaru chini chẽa paamu. ¹¹ Repau'te si'arumu cuhasõma'ñe, “Peore Masiu'mu mu'u”, chiiju pañu mai. Jã'aja'ñe paau.

Chu'o saokũ cuhacho tochasi'ea'me

¹² Chu'upi ñato Jesuni cuasaku Repau chiiche masi cho'okaiku Silvanopi tochakaiuna inukoru'chi'a chu'vakũ saomu chu'u musanukonare, Dios ūcuarepa cho'oku maire oia cho'okaiche'te asa pojoju re'oja'che paaru

chini. Chũ'ũ chũ'vachũ'ore ũcuarepare asa chẽa ũhasõma'ñe masi cuasajũ Repaũni oicojñojũ re'oja'che cho'okaicojñojũ pa'ijũ'ũ.

¹³ Icheja Babilonia vũ'ejoopo cana Jesure cuasakuanupũ mũsanũkona chẽa paacojñoñeja'ñe Diore chẽa paacojñoona ja'me chũ'o saome mũsanũkonare; chũ'ũ chĩija'ia, Marcos, ũcuachi'a. ¹⁴ Sãĩñechi'a cuasajũ oijũ sũ'ka pojojũ pa'ijũ'ũ. Mũsanũkona Cristo neena ũcuanũko re'oja'che pa'ijũ'ũ. Re'omũ.

Pedro

Dios Chu'o Kuaphuro
Koreguaje: Dios Chu'o Kuaphuro New Testament
copyright © 2009 Wycliffe Bible Translators, Inc.

Language: Koreguaje

Contributor: Wycliffe Bible Translators, Inc.

All rights reserved.

2020-11-18

PDF generated using Haiola and XeLaTeX on 21 Feb 2024 from source
files dated 29 Jan 2022
87a345ac-83c6-51ad-8750-17a703f38bcc